

Sat 15th Oct 1898

大清光緒廿四年

本館新聞除禮拜外每日出論一紙外埠均可函致本館取閱如外埠閱報加寄費不也除日本英法德俄美各國各工本從英法德俄美各國各紙各機器以待與英法德俄美各刊活字及各式花邊等延有西人排印工藝精所有延有西文字均能刊印並精工刊印字大小機器均用精工刊

第五千零六十九號



申報

(號七第牌門口虱巴舊在設開館本)

印工級絕倫並延有文士書寫各種文字現由上海另行刊佈所有各項其書目另再刊佈所登各項原否亦須無世道人心者附登其否亦須無礙於人而後始錄其有謬誤成文以及支離費解者概不登錄嗣後諸君來札尚祈自諒更須寫實里而後敢登原稿收回也本館謹白

戊戌九月初一日

每張售錢五文 每月一元 每季三元 每半年五元 每年十元 大英一千八百九十八年十月十五號拜六 (次日每報每張售錢五文)

醫寓賴吉南告白 ○余自祖父傳授以來兼治內外等症奏效如神前月由唐來埠蒙 同安堂頭家相愛延寓店內諸友如知名推薦祈到敝寓一問便悉人藥兩安百發百中此啟
大清光緒二十四年八月二十七日 同安堂謹啟
寓址告白 ○余已于酉年正月下浣寓在利峇峇里路門牌第九十九號茂林園屋內倘 諸君欲調換東賑執照每名部飯須銀二元順帶前來可也此佈 戊戌年八月廿七日 章壬憲謹啟

諭旨恭錄

八月十四日奉 上諭裕長著調補甘肅布政使直隸布政使著曾繡調補欽此○同日奉 上諭禮部尚書著啓秀調補裕德著授理藩院尚書欽此○同日奉 上諭大學士榮祿著管理兵部事務並節制北洋各軍著禮部領給關防欽此○同日奉 硃諭近因時事多艱朝廷孜孜圖治力求變法自強凡所施行無非為宗社生民之計朕殷勤宵旰每切兢兢乃不意主事康有為首倡邪說惑世誣民而宵小之徒羣相附和乘變法之隙隱行其亂法之謀包藏禍心潛圖不軌前日竟有糾約亂黨謀圍 頤和園剋制 皇太后及朕躬之事幸早覺察立破奸謀又聞該亂黨私立保國會言保中國不保大清其悖逆情形實堪髮指朕恭待 慈闈力崇孝治此中外臣民所共知康有為等為首倡邪說惑世誣民而宵小之徒羣相附和謀若非仰賴祖宗欽佑洞燭先幾其事何堪設想康有為等為首倡邪說惑世誣民而宵小之徒羣相附和查拿極刑懲治舉人梁啟超與康有為為狼狽為奸所著之書語多狂謬著一併嚴拿懲辦康有為等每於召見仁及御史楊深秀軍機章京譚嗣同林旭楊銳劉光第等實係與康有為結黨罔圖煽惑楊銳等每於召見時敢蒙狂悖密保匪人實屬同惡相濟罪大惡極前經將各該犯革職交刑部訊究旋有人奏若稽時日恐有中變熟思審處該犯等情節較重難逃法網倘語多牽涉恐致株累是以未俟覆奏於昨日諭令將該犯等即行正法此事為非常之變附和奸黨均已明正典刑康有為等首倡逆謀罪惡貫盈諒亦難逃顯戮現不容鷹鷂之逐人有同心至被其誘惑甘心附和者黨類尚繁朝廷亦皆察悉朕心存寬大業經明頒諭旨概不深究株連嗣後大小臣工務當以康有為為炯戒力扶名教共體時艱所有一切自強新政尚關國計民生不特已行者亟應實力舉行即尚未興辦者亦當次第推廣以期挽回積習漸臻上理朕實有厚望焉將此通諭知之欽此○同日奉 上諭前經降旨擇於九月初五日朕恭奉 慈禧端佑康頤昭豫莊誠壽恭欽獻崇熙皇太后慈輿啟程先赴南苑再往天津以次閱操第本年節令較早現在天氣漸寒朕侍奉慈躬允宜虔宮頤養以衛與居所有巡幸天津之處著即停止惟國家講求武備本欲親臨校閱鼓舞戎行近畿各軍業已次第預備該官兵等平日操演不憚勤苦朕心良深軫念提督聶士成所部武毅軍著賞銀六千兩侍郎袁世凱所部新建陸軍著賞銀四千兩提督董福祥所部甘軍著賞銀三千兩以示體恤該提督等仍當督率將士隨時認真訓練總期紀律嚴明緩急可恃毋負朝廷整軍經武之至意欽此○同日奉 上諭紅旗漢軍都統著符珍署理欽此○同日奉 上諭已革戶部左侍郎張蔭桓居心巧詐行踪詭秘趨炎附勢反復無常著發往新疆交該巡撫嚴加管束沿途經過地方著各該督撫等遞派安員押解毋稍疏虞已革翰林院侍讀學士徐致靖著刑部永遠監禁翰林院編修湖南學政徐仁鑄著革職永不叙用欽此○十五日奉 上諭都察院左部御史著懷塔布補授並補授總管內務府大臣欽此○十六日奉 上諭已革工部主事康有為學術乖謬大悖聖教其所著作無非惑世誣民離經畔道之言著將該革員所有書籍板片由地方官嚴查銷燬以息邪說而正人心欽此○二十日奉 上諭李端芬奏濫保匪人自請懲治一摺該尚書受恩深重竟將大逆不道之康有為等濫行保荐并於召對時一再面陳今據自行檢舉實屬有意取巧未便以尋常濫保之例稍從末減禮部尚書李端芬著即行革職發往新疆交地方官嚴加管束以示懲儆欽此○同日奉 上諭都察院奏遵查四品京堂王照並無下落一摺該員畏罪潛匿實難姑容候補四品京堂王照著即行革職交步軍統領順天府五城一體嚴拿務獲並著順天府尹督飭甯河

縣知縣將該革員原籍家產一律查封勿任隱匿欽此

英法電音 ○本坡實得力太晤士西報接廿八日英京來電云英國駐法公使文申現在每日與法國外部會晤商議花梳打之事據法國官場則謂法人在乃里河一帶實有權可以來往通商云云今此事定議若何則猶未能得而悉也

急境電報 ○本坡實得力太晤士西報接廿八日英京來電云急打羽因議院諸員前日開門會議多云急相士不力所行政令殊不可靠等語一時眾議紛如莫衷一是於是舉行投筒之法以決從違迨開票看之則言其不能靠者計有三十九人言可靠者祇三十七人然則背之者多想該相國當不免於辭職矣

埃及電音 ○前電有言埃及兵部署議遷至加東俾得就近辦理該處軍務事宜以資利便各節茲接廿八日英京續電云此事實係子虛之說云云

軍帥過叻 ○昨報西班牙前駐文尼刺海軍提督文多裕革職拿問一事茲悉該軍帥率同眷口附搭英國郵船昨經過叻有往詢以文尼刺當日戰事情形者該軍帥竟默然不答蓋此事實難回答固難怪其不答也

仰光米信 ○仰光來信云該處開設火礮華緬兩籍商人共有四十五家茲有四十二家經已聯合而與西人之火礮相爭生理來函所述如此然則仰光之米其將有稍廉之望也乎

朝中變故事西函 ○頃接西人來柬言袁慰庭侍郎蒙恩陞擢後即赴京陛見 皇上以袁為忠正因特 召其進內將某機密事向袁言之袁遂於初五日言返津門適與康有為同車而行詎到津後竟將 皇上密諭盡情透露於榮中堂之前詎中堂竟將各事和盤託出向太后奏聞 太后覽奏 慈顏大怒故前日奉旨着榮祿來京其北洋大臣直隸總督之缺即着袁暫行護理殆因此也初七日當日前相伊藤侯正在覲見 皇上之聞 上意優禮款待并經預備一切詎正晤談間忽有太監奉 太后懿旨至立召 皇上至頤和園中商酌要公於是 皇上遂命駕前往詎自此一去久不見回於是外間遂傳說紛紛言 乘輿有變是皆因此之故妄啟猜疑耳又聞英國駐華公使經已照會總署言康有為非犯刑罪乃與國家為敵之故按照萬國公法他國可以出而保護故本公使已照公法將其保護然康若果犯有別故則自無不將其交出云云以上皆西報語妄照譯之其中亦有潤飾之處則尚不可得而知之也

密諭苦衷 ○昨聞人言 今上有手諭兩道交康主事跪讀惟未見原文茲從西報譯出其意以供眾覽 初一日 今上有手諭交康主事觀閱其語云今值國事艱難非改新政不能保存社稷若改新政必須舍棄舊習另簡通達時務之員以勤政治然 皇太后不以此為然朕迭次苦諫不特不能仰邀 慈聽且因諫犯 顏恐朕亦難自保其軀汝當與同志設法援朕萬分焦灼臨諭為盼企望 初二日手諭朕使汝督辦官報此不得已之事朕之苦衷難以言罄汝當趕速出京勿延汝一縷血誠同濟時艱朕所素悉須自保其身莫得再動王國朕有厚望焉按以上各語係從西報譯出細行詳譯此事恐未必然謹按本 朝家法從無以天子而作私函與臣下之例况係密 諭何等鄭重必須再三審慎而後始能下筆豈有 親書密旨竟作此輕率之言即在冒昧之主尚不敢為而謂我 皇上天意聰明乃至作是語耶以意測之當係康有為逃遁出京而西報探訪向且詢問得罪之由故不得已而飾此詞以對西報不察遂貿貿然錄報中耳理或然歟

伊侯入覲述聞 ○北京友人來函云初五日午初一刻 皇上御西苑勤政殿接見日本侯爵前總理大臣伊藤博文同往入覲者為議政院議員大岡育造隨員頭本元貞森泰次郎時岡茂宏署理公使林權助天津領事官鄭永昌繙譯官鄭永邦中國繙譯官劉慶汾陶大均約問答兩刻鐘之久至 皇上垂問何語及伊侯陳奏之詞外邊不得而知有日本人傳說謂伊侯奏云外臣游歷至此正值 大皇帝變法自強之日實於亞東大局極有關係實為欣幸 皇上詔曰貴國政治為西國所稱許而貴爵又有勳業之入我國與貴國同休戚相關現在我國亦欲變法以圖自強貴爵可將變法次序告知總理王大臣何如伊侯奏如承貴國王大臣下問外臣知無不言言無不盡云云此外不得而知傳聞如此姑錄之以告留心時事者

參劾傳聞 ○國聞報云初四日聞得張次珊侍郎張蔭桓及康有為林旭諸人是日未奉 批旨初六日因再上一摺又楊莘伯侍郎既糾集同志聯名具摺求 皇上籲請 皇太后訓政既蒙 允准因於初八日具摺揭參數月以來新進諸臣請一體罷斥治罪云云或云楊侍郎前摺係求某親王面遞者傳聞如是未知確否

禍起有因 ○國事多艱駭人聞聽而追原發端之始因李傅相與盛京卿及馬叔眉觀察等擬辦遼陽鐵路向比國借銀若干其實此銀出自俄國而傅相恐 皇上疑及故以比國出名厥後果為 皇上察悉且以此銀並無別國股銀在內意頗不欲而傅相等以此款不成豈非空勞心力故又執取比國憑單且令華人等亦入銀其中以明並非俄銀不料終 為皇上察知乃有李鴻章以後無須再在總理衙門行走之諭時日相伊藤適值將次進京陳奏一切先時曾由馬觀察介紹告知傅相本欲一同列名至是傅相因大權旁落故授意其戚某大員密陳

皇太后請 旨拿康嚴問云云

三國保中 ○西報云傳聞英美日本三國已明言保護中國聞將某殿改爲議政殿選立大臣十名以助 皇上治理萬幾

西訪事與康主事問答撮譯 ○香港來信云德臣西報訪事往見康主事有爲訪事將京邸猝變各情澈底詢問康主事答曰此次出

京深感英使遣兵輪保護前兩禮拜予之所以不願見客者因聞 聖上有被害之事且聞吾弟有被戮之害以故心緒如絲造次莫知所措耳

至言 皇太后之用意爲治係因循守舊不甚好更張十一年前中國籌辦銀圓三十兆兩以備整頓海軍不料購得戰艦五艘後餘款即撥歸

修建頤和園及後又籌三十兆兩建造鐵路詎僅將此巨款與築鐵路至山海關後又撥此款爲修南苑之費 皇太后高拱深宮日中所見者

祇寺人數名一切西法絕無聞見除此優遊樂事外未嘗有勵精圖治之意中東一役以前尙以李傅相爲司作長城及兵敗割地則翻然改

變凡事皆屬意於恭思親王及榮中堂主辦至弄權之大惟待監李聯英 皇太后垂簾聽政時猶有召見各王大臣及歸政後祇有俞王宦寺

等輩日侍其旁而已前二年有兩員曾具摺奏請 皇上直言不諱皆以 皇太后爲 文宗顯皇帝之妃不當攝理 朝綱等語迨自 今上

乾綱獨振宵旰憂勞於時 皇太后已有廢立之心遇事不無阻止膠州一失 皇上益覺憤憤懷請於 皇太后曰時事日艱請 懿旨准其力

求上治 皇太后迫於無可如何亦俯准 皇上勤求治理雖然雖滿口許之而心中尙未轉移也予之得親見者皆賴二三大臣爲之厲刻荷

主上特達之知隨奉 諭旨派在總理衙門行走予到總署時力陳改革之益步法泰西王大臣多不以爲然所尤不喜者惟榮祿一人予初以

修改律法爲首務請延聘西人之精諳律例者一人與予酌修中律然後次第將舊政變更不料 聖上求治太速即欲百廢具興於是改革頓

仍以至有今日之事予在總署所陳整頓政務各節當日恭忠親王則以爲非惟翁協揆則以爲是各具奏摺以 聞 皇上乃有召對之旨予

將各節次第條陳蒙 主上採擇其要者見諸施行予曾請 皇上修改成法以圖振興取法於日本維新并尋釋於前俄皇彼得之善政然後

率王大臣等失誓於 太廟立願竭盡丹誠維持時勢此爲治之首務也次則修律以頒行又次則設立通政局使下情可達不壅上聞設警以

喻之曰 主上如人身之腦內閣諸臣爲喉舌各督撫爲手足若 君上未能主謀臣下各懷隱見則遇事不決不綱紀紛更請 皇上飭下

百官選舉英俊之才以爲輔翼并請設立十二局於京師各省則以兩府地方設立一議局有事可以呈遞京局主裁每議局應請 朝廷簡派

一大員主持局議其大員品級與督撫相齊其議局主席應分立委員與各縣紳商共商事務至稅課一節若加整頓每年可增四百兆兩舉南

海縣一縣言之每歲可增稅廿四萬元惟國家祇收二萬元而已即此可以概見其餘省釐金增稅項設銀行通行鈔票等事每年可增帑七百

兆兩如此安有患貧而無款可籌以行新政乎以上條上 皇上交總理衙門議覆惟恭忠親王榮祿許應駁皆以爲不是然 皇上擇取多款

致日屢震衷予於 召對時力陳時事孔艱非變革無以維持政治 皇上乃慨然曰此守舊大臣之所以悞朕也予言中國現時雖弱振起猶

未爲晚遂引普法之戰以對且曰法雖爲普所敗而國人衆志成城極力圖治改變弊政故今日仍不失爲一歐洲強國 皇上問何以中國尙

可振作有爲余對曰法敗後有某大臣奮然而起條陳治法於是法人合羣力而爲之故能補救於後來又將日本俄國當時興起之源流伏陳

始末故 皇上極意效法而爲備中國人材不足於用則思用楚材中國如破屋然若加以風雨飄搖必有傾覆之慮如不從新建蓋豈能奠磐

石之安今朝內大臣年臻暮老向未習西學是以難與圖治 皇上乃慨然曰各大臣之黜陟朕難操權權祇候 皇太后懿旨朕亦知各大臣非

有志於西法者予對曰恐各大臣非不欲振興惟年已耄耄難於改變耳於是 皇上有廢八股之諭余請 簡派親王遊歷外洋以增識見

皇上之意想必深信西法之善可以振興惟各大臣未諳耳余尙多條陳未能盡言 皇上遂著余隨時條陳呈 覽惟現時之事甚因降 諭

革職尙書侍郎各大員懷塔布乃是懿親跪請 皇太后作主并訴苦於榮中堂外間傳言 皇上有意廢 皇太后故皇太后驟聞此耗立即

猛著先鞭有此再復垂簾訓政之舉余於八月初一二日連奉 皇上手諭二道著令速行予即往見西人李提摩太偕往見英使不幸英使公

出北河于轉往美使署而美使臣又往西山惜英使不在署不然尙望有以補救不至遭此變局也初四日京事緊急初五日余即搭車往塘沽

附搭重慶往上海沿途皆賴英使調船保護想必是李教士往見英使致有電調兵船護送之事 皇上所頒手諭著余維持時務余欲往英

求援使 皇上出險向恐英廷不惜重賞以衛中國今中國有事諒必俯如所請也英如樂榜救中國四萬萬生靈有不感戴再造之恩哉英如

不許俟西伯利亞鐵路建就俄人長驅直入不特中國有累卵之危即英國亦失東方權利必矣此次余之北上也非圖名利祇欲挽救中國耳

若國政不治即濫竿干祿何濟於事梁啟超家屬現被省官拘拿四人甚望英人有以拯救之以上康主事之言洋洋數萬字不能盡述祇擇其

要譯出倉猝之間言詞不無詘曲未暇修削想閱者必能共諒也

中山樵傳 ○清國逸犯孫文字逸仙自到日本後改名中山樵始到時我日本人皆爲震驚以爲絕大本領之人乍與之處尙不覺其

有他至與之往還三五次即覺其言語彷彿非有豪傑推誠之概心竊疑之及考察於寓此之華人則多以無恥視之細察其行於香江少習英

文未卒業就其地雅麗氏醫院習醫學此院爲華人何啓律師之妻雅麗氏遺產所置以西文教西醫兼贈藥施醫者中山樵學之數年卒業後

往來廣東省城香江香某商人某某之小妻生喉症就中山樵醫中山樵誘而姦之舉香江之體面華人無不切齒此事中山樵原從孔聖教

讀孔孟之書後入耶穌教內不得有小妻中山樵違教例眾未及攻而中山樵刊報招醫又自稱學宗孔孟耶教之樸誠者其反復無常矣中山樵又嘗在澳門開藥房係香港富人某嘗受其醫故借欸與之辦理不數月盡將借欸為花酒夜合費無以見其遂欲借圖不軌之事以銷滅之故通告於人謂於太陰歷重陽後五日起事香江有二千西兵相助銀行亦允助欸數千萬兩實並無其事蓋今日支那不能自保外人縱所欲為何須通內賊即如我得台灣并不須在台灣攻取何庸私通台灣民乎惟中山樵一欲彌縫其過二欲搖動人心故設一館在廣東省城一館在香港中山樵有欲恐人不知日必告人於是支那官知之即行查封中山樵早預備行計故受其愚者皆就執而中山樵由別徑走香江人不能容乃改西裝往歐美其在英國被清欽差拿獲之事久已播揚今來我邦欲惑商人騙棍財物以為自娛此其狀大畧也千古草澤英雄未有不推其心與人而可成事者況今日歐洲諸邦有競長荷假助好安樂非辦此大事者即其能辦廣東省城一旦生變試問英人戰船長驅直入中山樵何以當之若謂中山樵欲與英人分夫英人視廣東如囊中物欲取則取何肯與中山樵分取髮毼之役魁首演秀全將亡時何嘗不欲與西國共此支那耶中山樵之役成是使英人藉保護而全取廣東耳我想中山樵非不知之且中山樵既往歐美之後又著一西書書面將其既改西裝之像刊出支那各口岸香江上海賣西書店皆有寄售試問有大志者埋名匿姓之不暇而徧欲使人人皆識之易擣耶此尤見於心欲藉此聲勢惑財帛而已嗚呼我真不料中山樵如是如是支那人雖盜賊亦無才豈惟官場士大夫哉而我國竟有聞名而心懼者豈不奇哉支那人未了時局故失是非懷僥倖深恐并我而為陸沉也按此稿從日本友處展轉傳抄不能知其出處亦不能知其確否姑錄之以廣異聞云耳錄國民報

知難而退 ○常熟友人貽書云虞山為文學舊里兵燹後科第頗盛然老成多迂謹新進多浮囂即如學堂一事宜先倡辦為勞邑風導酒樂室道謀迄無成議去歲有潘君毅遠等創立中西學社鄉先進董指摘焉潘君謀舍而赴鄂舉徐少達編修兆璋自代時編修方因事在滬比回始悉情事以為此固當務之急而有萬難與辦者歸併游文學愛兩書院則山長不能無去館之慮也經董不能無交卸之慮也生童不能無餽之慮也撥及別項公欸則水利局不能無全局分裂之慮也廟堂等捐不能無歷年虧蝕之慮也各有主者各出其力以相枝柱其主者皆鉅紳也則官不敢顧問矣 詔旨屢降熟視若無睹正醫學所謂麻木不仁之病言之匪銀行之為難髮致書於昭文邑尊都憲丞大令力辭其任書畧云滬上回奉照會知潘君任等稟請經理中西學社某愚意不知潘君意中將改學社規模而擴充之邪抑將創設常昭兩邑學堂而以學社為附庸邪夫欲擴充學社潘君等才力優為之欲建立學堂非歸併游文學愛兩書院不為功天下事創議不難舉措而潘君留心時務籌欸為難撥眾公欸以建學堂不啻合數鉅商以立公司必用投籤公舉之法始足以孚紳民之望非一二人私意所得舉措也潘君留心時務倡導同學以一寒素士出家藏書數百種割腴田若干畝脩築講堂廳舍獨任其勞某愛之重之以為吾邑得如潘君者三四人董理學堂事宜三年可以有成矣酒間頗不理眾口甚有嘗為常熟之康有為者究其實不過因撥濟浦廟堂捐水利局三成經費銀兩齒牙積為怨府耳夫吾邑公欸之歷年侵蝕如廟堂捐者亦復何限而主其事者父以傳子兄以詔弟報銷之清册扁腐於胥房贏餘之銀錢存儲於私橐偶有一二喜事之輩舉發其覆軋狼起鸚鵡顧不排擠之不止此殆天下之通病董生所謂琴瑟不調必解而更張之迺可鼓者不信然歟嘗謂變法不能太驟獨於學校一事惟恐其不驟非暫停科舉不足以一生童之趨嚮非裁撤書院不足以杜山長之把持及謂建立學堂之易省城不如縣城縣城不如村鎮抗議之人多則任事之人必少故權必定於一也惟憾年逾三十物知學問不能為學社諸君子補萬一有負潘君等殷拳之意謹將照會繳上惟執事亮之

巨資失竊 ○馮君德潤住宅係在萃蘭亭山上詎廿八夜竟被匪徒由其屋頂繩下入室行竊竊去銀紙二千八百元迨至翌早始知旋往報案請緝

黃堂雜誌 ○瓊人王蘭卿於十九夜在甘公爪亞路演劇乃演至二點半鐘猶未收場故被巡差所控廿九日府尊訊畢判罰王銀十五元又詔安人王清珍於十七夜在四脚亭演戲亦因演至二點鐘時未已故至被控同日府尊訊畢判罰王銀十元○吉靈人安那控告閩人彭文於案據稱以駕馭中紅為業廿七夜為閩商建芳號載米泊於保赤官前詎被彭等二人駕馭三板而至竊去米石四包被吾察覺鳴捕拘之二人均下水而逃僅將彭一名執獲云云府尊訊畢判監禁半年另答十五籐示儆○潮人陳亞標昨持縐紗紅一條在娘嗎吉路招人買受該處值差見而疑之執而盤詰始知係盜竊漆木街成發號綢庄招牌之紅因將其執解於案同日府尊訊畢判監禁一月

土油出投 ○啓者茲承勞乙代理人綴心公司之命定於西屋多末月十八號即華九月初四日禮拜二上午八點鐘在丹戎隅後牙籠繼福蘭土油棧內拍賣 土油約有四千箱投定之後即係買主之事 諸君有合意購買者祈屆期 玉臨投買特此佈聞 吧越館主謹白 大英一千八百九十八年十月十五號 光緒二十四年九月初一日

覓稅船隻 ○啟者做號欲承租荷蘭旗火船印帆船一隻惟須載四十車至八十車者方為合用 諸君若有此船合意欲出賃者或要出售請移 玉至吉靈街向順和泰號詢問便得此佈 光緒二十四年七月初一日 吧城小南門邱昌隆號內邱春昌告白

廈門平糶局駐叻勸捐董事公函 ○公啓者昨接泗水美源號寄來駐泗勸捐董事諸君公函一紙捧讀之下度悉一切至函內所云
有人得聞廈地平糶法度未宜而嘉禾山地方不准告糶云云雖誦之餘頗爲不解夫事之是否須視證據以爲憑今更不必他求祇以廈地所
設各局觀之查廈門平糶公局共有五處其在他地者且姑無論即以嘉禾之局計之亦有三處一在溪岸乃嘉禾山之中路一在廈門港乃嘉
禾山之南路一在後崎尾乃嘉禾山之北路凡此三局之設皆係欲便嘉禾山人請糶起見此外此復有林後社練寮 曾厝垵 江頭街三處分
局是皆由各處好善君子欲取平糶之米以濟貧民因來本局商之即由局先撥米石前往以供平糶俟至米石糶出後始將所得之價繳回局
中凡此概爲利便嘉禾山人而設又有雙磁街橋頭街何厝社等處諸君亦欲移米往供平糶經已到局領單惟至今尚未運米前往不知何故
然即以上所言之六處則均已開辦平糶凡屬嘉禾山眾均可就近往糶則安得謂不准嘉禾山之人請糶想 諸君子所聞之說或尙未詳悉此
中底細情形耳又如來函所言每元購米官斗二斗七一節係照成本原價八折核算然此猶係初辦爲然迨後復以七折沽出將米價減至每
元二十九斤若此辦理亦不可謂定價之高又如七月下浣本局平糶之米將完米商探知其故即立將米價高擡每担漲至四元四角本局同
人得聞其事即立飛函通知廈局再辦平糶廈局得信遂亦立佈啟通知時諸米商聞之知難居奇故復將米價降落一日之內所降之價竟
至四角五占於此觀之可見平糶一事刻斷不能中輟必須陸續辦米前往方足以供民食而免居奇屬在義舉故敢將詳細覆聞諸祈 鑒察
順請 善安不備 大清光緒廿四年八月廿九日 廈門平糶局駐叻勸捐董事公啟

賞格 ○啟者因潮州府海陽縣人邱隆合年二十二歲面肥唇厚露牙于去年四月尾由叻往廖內傭工緣伊家屬勢要追伊回家故
于十二月間持着人前去追之不意隆合心不愿歸家至追伊之人極力苦勸挽之而回不料返至中途而隆合私行逃走不知去向倘有
人君子携帶回者認出無差即謝花紅銀三十元如知機報信者謝花紅銀二十元决不虛言
大清光緒二十四年八月二十九日 實叻牛車水公發棧謹白

北慕娘國家招人承充餉碼告白
啟者茲北慕娘國家欲招人入票承充以下所列各餉碼其票當於西一千八百九十八年忽民末月十五號以前送交仙那港輔政司署以憑
選擇至此餉碼係承充一千八百九十九年一載爲期茲將各碼開列如左
鴉片烟餉碼 酒牌餉碼 當店餉碼 北慕娘出入口稅餉碼 北慕娘賭碼 所有一切詳細情形可向本行詢問便能知悉特此
佈告 西一千八百九十八年九月二十四號 北慕娘國家駐紮新嘉坡代理人牙直里洋行謹啓

大荷蘭總領事示 ○大荷蘭國駐叻總領事府兩域 爲通知事照得西本年爪亞國家有羔丕九萬九千二百二十八担欲爲拍賣
如欲知其相賣之期及一切詳細情形者可至本總領事署內詢問便得特此諭知 西一千八百九十八年八月六號 示

承頂聲明 ○啟者茲新嘉坡老爺宮口街門牌第三十號號曰協勝春葉棹記葉殿記葉濼記三人自從丙申年間承協勝棧店底改
號曰協勝春三人合夥造出舊鑄鐵錫器并什貨之生理歷來無異至本年八月初十日因葉殿記志向別業請出公親葉元宏洪再與郭銖
萬三人秉公特籌將全盤生理并往來賬項及店底家器什物概行總結明白葉殿記當公親面前言明願將生理份額本利銀抽出名下股聲
註銷生理與葉棹記葉濼記二人承受任從葉棹記葉濼記振作日後協勝春得失與葉殿記無干涉其葉殿記份額銀項當公親面前業經
領訖倘諸商翁故友若是與葉殿記交易往來無論先後惟向經手是問與協勝春毫無干涉先此聲明以免後論此佈
光緒二十二年八月二十八日 葉棹記葉濼記謹啟

海外壺天 ○藥酒豈有奇功哉市上懸壺余絕鮮沾而飲之即飲之亦無所益焉而孰知鐵中亦有錚錚者事緣余於月之初旬某夜
睡起如廁秉燭下樓乃因風滅火立足不牢蹶而傷手紅腫如瓠力不勝箸痛刺於心因即向傷科肆中購藥丸藥酒等急爲調治絕不獲效而
劇益轉增余於是更焦急萬分矣嗣得時雨軒主人朱子佩兄聞余傷手頗重因將其軒中所製之軍中跌打藥酒二枝及跌打藥丸二粒命
人送至余拜而受之因從其教以丸和酒服且數之未幾覺痛漸止而腫亦微消因知其丸與酒之妙也敷服數次不一二日而手竟如故微斯
妙藥曷克臻此今而後余不敢謂市上懸壺之藥酒藥丸等均無所效也雖然該軒所製之藥丸藥酒均與別家不同余服別家之丸與酒而不
驗嗣服該軒之丸與酒而應效如斯知子佩兄存心濟世固非與射利之徒所可同日而語也余感其德爰綴數言錄報藉誌不忘并願世有與
余同病者知所求焉則可免無窮苦惱矣余更得而贈該軒之言曰海外壺天
大清光緒廿四年八月二十七日 鄧雁賓謹識

精製眼鏡告白
 ○眼科之理甚微筆難述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中在刺付酒店第五十七號房中暫行寄寓諸君賜顧尚祈按址訪尋不勝幸甚
 西歷一千八百九十八年十月十號
 刺沙勝士謹啟

湖北賑捐告白
 ○啟者本坡駐署陽會館之局現遷瓊州會館勸辦前日分設水仙門裕昌隆店蔡翁慰農代辦刻下在瓊館亦係該店代辦耳 諸君欲捐請到瓊州館裕昌隆兩處報捐可無悞矣
 光緒廿四年八月廿五日
 勸辦湖北賑捐委員李謹啟

拍賣印字館告白
 啟者茲本館承 按察司之命定於屋多末月十七號即華九月初三日禮拜一下午二點半鐘在本館內拍賣落亞逸街門牌第一百號及一百零一號古友軒印字館及其所創之華字報名曰星報所有機器雜物及店底等計有印字機器手印機器書格及印字頭之機盤切紙及鑽孔機器排字盤錫條鐵盤中西鉛字粒鑄字機器石版車及石版等物於拍賣之前四日內任人往看 諸君有合意者請如期前來投買其餘詳細情形另有西字錄明覽之便悉特此佈告
 光緒廿四年八月二十二日
 吧越館主謹啟

時雨軒藥酒發售
 蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醞釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致悞惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售
 大清光緒廿四年六月廿九日
 時雨軒主人謹啟

新到上等機器油
 啟者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
 大英一千八百九十八年八月十八號
 轄珍目兄弟公司謹啟

草聖暫駐
 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售
 光緒廿四年七月十八日
 叻報館代啟

藥店召頂
 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得
 光緒二十四年七月初三日

新印台灣地圖寄售
 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也
 大清光緒二十四年五月十三日
 本館謹啟

店舖出稅
 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊那路頭豐興號內向余詢問便得特此佈聞
 光緒廿二年十月廿四日
 薛連錫謹啟

豐源號
 本號輪船往來各埠船期開列如左 在各埠往實叻日期
 由麻六甲往芙蓉每逢禮拜二六日中午十一點鐘開行
 由芙蓉往吉隆坡每逢禮拜二六日下午六點鐘開行
 由吉隆坡回芙蓉每逢禮拜二四日下午四點鐘開行
 由麻六甲回實叻每逢禮拜二五日下午四點鐘開行
 豐源號謹啟

源號
 本號輪船往來各埠船期開列如左 在各埠往實叻日期
 由麻六甲回芙蓉每逢禮拜二五日上午十點鐘開行
 由芙蓉往吉隆坡每逢禮拜二六日下午六點鐘開行
 由吉隆坡回芙蓉每逢禮拜二四日下午四點鐘開行
 由麻六甲回實叻每逢禮拜二五日下午四點鐘開行
 豐源號謹啟

號期
 各輪船在叻往麻六甲吉隆坡實蘭午 等禮拜五日三點鐘開行特此佈


正金鐘標萬蘭池酒發客

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叻地諸家之快故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟惠照

本館謹啓

鐵廚出售



本行有厚望焉
大英一千八百九十八年正月十三號
不殺呼峇即前加珍洋行謹啟



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華商諸君有欲零沽者請至酒公司沽買便得如買成起以便配往外處者仍可至本行沽買至此酒

製造之法精妙異常酒味甚清以之蒸餾者皆爲上等之料保無偽充之弊此酒若飲甚屬合宜且價亦甚廉諸翁沽用須爲留心辨明以免魚珠之混現

在市上假冒者甚多以

新嘉坡嘉東街前
專辦木東膠係
祖家頂上美酒發售
不殺呼峇公司
認明標印

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方告出而沽賣者其熱氣概已全消所以請君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等兩字爲憑庶免爲魚珠之混是所切盼



Bisquit Dubouche & Co.
COGNAC


啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈

大英一千八百九十七年二月十二號
不殺呼峇即前加珍洋行謹啟


大英一千八百九十八年正月十三號
不殺呼峇公司即前加珍洋行啟

馳名鐵廚發售

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出品售

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後諸君購買本行白頭三品酒者請細認本號招牌之內



有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號

明嗎也洋行謹啟

鳥密酒發賣



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票鳥密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酌飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟


法國頂上蜂窠標萬蘭池酒發客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉份之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

明嗎也洋行謹啟

蜜酒出賣



啟者茲本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日

明嗎也洋行謹啟

